

## ПРЕЗИДЕНТ ТАШАББУСИ АМАЛДА: МАКТАБДАН ҲУНАР ЎРГАНИБ

Давлатимиз раҳбари ташаббуси билан юртимиздаги таълим муассасаларида ёшларни камида иккита хорижий тил ва битта касб-ҳунарга ўргатиш устувор вазифа этиб белгиланган замирида ёшларни мустақил ҳаётга тайёрлаш, мактаб битирувчиларининг замонавий касбларни ўрганиши орқали меҳнат бозорида рақобатбардошлигини ошириш, уларда меҳнатсеварлик ва миллий анъаналарга садоқат хислатларини юксалтириш каби эзгу мақсадлар мужассам.

Фарғона вилоятидаги умумий ўрта таълим ва ихтисослашган таълим муассасаларида ҳам бу борада кенг кўламли ишлар амалга оширилмоқда.

Бувайда туманидаги 55 та умумтаълим мактабларида 44 минг нафардан зиёд ўқувчилар таҳсил олади. 11-синф битирувчилари 3 минг нафарга яқинни ташкил қиласди. Ўтган ўқув йилида мактаб битирувчиларининг сифат коэффициенти ўртacha ҳисобда 88,2 балл бўлиб, республикада иккинчи, вилоятда эса биринчи ўринда қайд этилган.

Айни кунда кўплаб мактабларда тикувчилик, сартарошлиқ, тўқувчилик, пазандачилик, мебелчилик, дурадгорлик, темирчилик ва бошқа касбларга ўргатиш бўйича жами 1000 дан ортиқ ўқувчилар қамраб олиниб, дарсдан сўнг қизиқишиларига қараб ушбу касбларни ўрганмоқда.

Бундан ташқари, тумандаги барча таълим муассасаларида шу йилнинг апрель ойига қадар касбга ўргатиш бўйича кенг қамровли ишларни якунинга етказиш ишлари олиб борилмоқда.

-Ўтган ўқув йилида битирувчиларимизнинг олий таълим муассасаларига кириш кўрсаткичи 98,1 баллни ташкил этган, - дейди тумандаги З-умумтаълим мактаби директори Раънохон Асқарова. - Шундай бўлса-да, ўқувчиларимизни меҳнат бозорида талабгир касб-ҳунарларга ўргатиш устида иш олиб боряпмиз. Шу мақсадда тўқувчилик, мебелсозлик, дурадгорлик тўгаракларини очдик. Бу тўгаракларга юқори синф ўқувчиларининг қизиқиши катта. Дастребаки кунларданоқ Раънохон Мавлонова, Элёржон Қодиров, Тоҳиржон Полвонов каби устозлари кўмагида буюмлар ясашни ўрганиб олишди.

Бувайда - уста-ҳунармандлар юрти, мебелсозлик ҳудудни ривожлантириш драйвери ҳисобланади. Бугун битта ёғоч буюм ишлаб чиқараётган уста ҳунарманд эртага учта ясашни мақсад қиласди, маҳсулотга талаб ҳам юқори. Шу боис мактабда фаолият бошлаган тўгаракларда “уста-шогирд” анъанаси асосида иш олиб боришга алоҳида аҳамият берилмоқда. Тўгаракларда “кўзи пишган” ёшларнинг эса келажакда тадбиркорлик фаолиятини йўлга қўйиши, ҳаётда ўз ўрнини топиши шубҳасиз.

Бизни ижтимоий тармоқларда кузатинг Facebook, Telegram, Facebook, YouTube, Instagram

2023-03-06 15:16:46